



Dre dyvesa 23-  
24 kwietnio 2018  
berś dre Akade-

mia im. Jakuba z Paradyża dre Gorzów Wielkopolski isys kerdy konferencja syklakirdy zorganizowano pełde Akademicko Centrum pał Badani Euroregionalna, Regionalno Ośrodko pał Debata Maśkrethemytko dre Gorzów Wielkopolski i Lubusko Urzędo Wojewódzko. Konferencja isys kerdy pał temato tyknedyr paciabnytko, nacjangre i etnikane pe Phuvia Odzyskana pośli 1945 berś. Javne adoj vykendyne manusia pał tyknedyr karaimsko, łemkowsko, romani, ukraińsko, tatarsko i ćhindytko, i paciabnytko dre vavirćhane kotyra protestantyzmo, save isys bešte pe phuvia zachodnia gił 1945 berś. Pe konferencja javne tež vykendyne manusia syklakirde, save zařen pes pał tematyka tyknedyre i instytucjendyr pał kultura. pe phuvia zachodnia i północna, save kharde isy Phuvia Odzyskana, podypen syr dre vavir śtety dre Europa, bešte isys manusia na tylko jekh etnikane, i adzia isy ke dadyves.

**K**onferencja isys kerdy kaj te sykaveł badanii save isys kerde pał tyknedyr paciabnytko, nacjangre i etnikane, save pełde sparuiben granzy Polskakre pośli 1945 berś (pełde dova isys migracja manusiengry) osiedlindłe pes pe Phuvia Odzyskana.

Tyknedyr paciabnytko, nacjangre i etnikane, pełde dova kaj isy dasave vavirćhane i kaj isy pe phuvia Polskakre bute centurendyr, isy but ważno kotyr dre tożsamość kulturowo i historyczno. Isy jone but ciekawa i narozpryńćkirde kotyr badawczo bute syklakirdenge vavirćhane dziedzinendyr.

Gospodarzo konferencjakro isys rektoro dre Akademia prof. dr hab. Elżbieta Skorupska-Raczyńska, savi pe

## KONFERENCJA dre Gorzów Wielkopolski

# Tyknedyr paciabnytko, nacjangre i etnikane pe phuvia zachodnia pośli 1945 berś

jangił rakhiben vagestyr powityndzia saren, a pośli dova ophendzia manuinge pał so pe adoj raktłe.

Konferencja isys pełde duj dyves i pokerdy isys pe paneli tematyczna pał konkretna tyknedyr nacji i etnikane. Dre jekhto dyves, jekhto panelo isys pał Karaimy, najtyknedyr tyknedyr paciabnytko i etnikani. Karaimy dre baredyr kotyr zanasiadzine peskry ćhib, ale wyróżninel ten tengro paciaben karaimsko, savo poddział judaizmostyr. Baro znaczenio dre tengro dzipen isy działalność savi kereł Karaimsko Związko Religijno dre Polska. Dre panelo przephenenys duj vykendyne manuśnia dre tyknedyr karaimsko, save denys apre referaty pał dzipen i ochrona dziedzictwo Karaimengry pośli 1945 berś. Mariola Abkowicz, savi reprezentynelys Związko Polske Karaimengro, przethodzia referato savo kharelys pes „e-jazyzłar. Karaimsko Archiwum Cyfrowo narzędzio ke badani pał karaimsko dzipen społeczno”, a dr Anna Sulimowicz Uniwersytetostyr Warszawsko dre peskry prezentacja ophendzia pał „Dzipen Karaimengro łuckostyr pośli 1945 berś”. Ostatnio rakiryben dre da panelo isys referato pał prezentacja tyknedyr karaimsko dre Polska, savi przethodzia dr Bogna Wach Akadematyr im. Jakuba z Paradyża dre Gorzów Wielkopolski: „Karaimy najtyknedyr tyknedyr dre Polska – paciaben i dzipen”. Daja kotyr konferencja zakończyndzia pes dołesa, kaj sykado isys filmo dokumentalno „Dolny Śląsk... Karaimy”.

Dujto panelo isy pał tyknedyr tatarsko i romani. Tatory dre Polska też dre

phaś baredyr zabiśkirde peskry ćhib, ale ćhine pał peskro paciaben muzulmańsko. Pe Phuvia Odzyskana bešte isy pojedyncza familii tatarska, najbutedyr bešte isy jone dre województwy podlasko i pomorsko. Vykendyno manuś tyknedyre tatarske dr Aleksander Miśkiewicz Uniwersytetostyr dre Białostoko sykadzia referato: „Tożsamość paciabnytko polske Tatarengry pe phuvia zachodnia”. Dr Piotr Krzyżanowski z Akadematyr im. Jakuba z Paradyża dre Gorzów Wielkopolski sykadzia prezentacja pał Rozalia Aleksandrowicz – ostatnio sieratuni dre Gmina Muzulmańsko dre Gorzów Wielkopolski.

Pośli dova Andrzej Sochaj, vicedyrektoro dre Romano Instytuto pał Holokausto, savo działynel pał Romano Związko Szczecinkostyr ophenelys pał dzipen romane męczennikengro, Romengre patronengro: Zefiryn Giménez Malla (1861-1936) i Emilia Fernández Rodríguez de Cortés (1914-1939). Prelegento wyjaśnindzia soske khangeri sykaveł da manusien kaj isy wzory vavire manusiengre dre dzipen, i phendzia kaj každo Rom i Romni moginen te ćheł święta, adzia syr da duj romane manusia. Rypyrdzia też dre save dyvesa berś liturgiczno dre Khangeri vyperel rypiryben romane patronen.

Dre dava panelo Romano Rasiaj Stanisław Opocki phenelys pał dova paciaben ke Roma. Podkreślindzia kaj tengro poddziapen ke paciaben isy but zorało. Phenelys też pał peskry działalność związano Romenca pe phuvia zachodnia, savi kereł butedyr syr 30 berś.